

14.02.2018 г. / 22:26:12

## Вяра

# 15.02 по еретическия, †2 февруари по църковния календар - Православен празник Сретение Господне



## Сказание за Сретение Господне

**С**лед като изминали четиридесет дни от рождеството на нашия Господ Иисус Христос и се изпълнили дните на законното очистване, Пречистата и Преблагословена Дева Майка, заедно със светия обручник Иосиф, дошла от Витлеем в Иерусалим в Божия храм, донасяйки четиридесетдневния Младенец Христос за изпълнение на Моисеевия закон. Според този закон било необходимо, първо, след раждането майката да се очисти чрез принасяне на подобаваща жертва на Бога и иерейска молитва - и, второ, да се постави пред Господа първородният младенец и да се даде установеният откуп за него. Така било заповядано от Господа във Ветхий Завет на Моисей, в чиито книги за закона за очистването на майката е написано следното: “Жена, кога зачене и роди мъжко, да бъде

нечиста седем дена... а на осмия ден да му обрежат крайната плът; и трийсет и три дена тя трябва да седи, за да се очисти от кръвите си; тя не бива да се допира до нищо свещено и не трябва да се доближава до светилището, докато не изтекат дните на очистянето . След като изтекат дните на очистянето ѝ... тя трябва да донесе ...едно шиле за всесъжение и млад гълъб или гургулица за жертва за грех. Ако пък не бъде в състояние да донесе агне, нека вземе две гургулици, или два млади гълъба, един за всесъжение, а други за жертва за грех, и свещеникът ще я очисти, и тя ще бъде чиста”. А за посвещаването на Бога на първенците от мъжки пол в закона се казва следното: “Посвети Ми всяко първородно, което разтваря всяка утроба”. И на друго място: “Давай Ми първородния от синовете си”. Това се изисквало заради великото Божие благодеяние в Египет, когато Господ, избивайки египетските първенци, пощадил израилските. Затова израилтяните донасяли първородните си младенци в храма, посвещавайки ги на Бога, като полагащ се принос, установен от закона. И отново ги откупвали от Бога за себе си на установената цена, която се наричала “сребро от откупа”, и се давала на служещите при храма Господен левити, както е написано за това в четвъртата книга на Моисей. Установената цена на откупа се състояла от пет свещени сикли църковно тегло.

Изпълнявайки този Господен закон, Божията Майка сега дошла в храма със Законодателя. Дошла да се очисти, макар и да нямала нужда от очистване, като нескверна, неопетнена, нетленна, пречиста. Защото Тази, Която заченала без мъж и похот, и родила без болка и без нарушаване на Своята девическа чистота, нямала сквернотата, свойствена за жените, раждащи според естествения закон: защото как би могла да се докосне нечистота до Родилата Източника на чистотата? Христос се родил от Нея, като плод от дърво; и както дървото

след раждането на своя плод не се поврежда и не се осквернява, така и Девата след раждането на Христос, благословения плод, останала неповредена и неосквернена. Христос произлязъл от Нея, както слънчевият лъч преминава през стъкло или кристал. Преминаващият през стъкло или кристал слънчев лъч не го счупва и не го разваля, но още повече го осветява. Не повредило девството на Своята Майка и Слънцето на Правдата - Христос. И вратата на естественото раждане, запечатана с чистота и охранявана от девство, не осквернил с обичайните за жените кръвотечения, но преминавайки свръхестествено, я направил още по-чиста, осветявайки я със Своето преминаване и просвещавайки я с Божествената светлина на благодатта. Няма абсолютно никаква нужда от очистване за Родилата нетленно Бога-Слово. Но за да не наруши закона, а да го изпълни, дошла да се очисти съвършено чистата и нямаща никакъв порок. Наред с това, изпълнена със смирение, Тя не се гордеела със Своята нетленна чистота, но дошла, сякаш бидейки нечиста, да застане заедно с нечистите жени пред вратите на храма Господен - и да иска очистване, без да се гнуса от нечистите и грешните. Принесла и жертва, но не като богатите, принасящи ежегодно непорочно агне, а като бедните, принасящи две гургулицы или два млади гълъба, проявявайки във всичко смирение и любов към нищетата и избягвайки гордостта на богатите. Защото от златото, донесено им от вълхвите, Тя взела малко и го раздала на бедните, задържайки за Себе Си само най-необходимото за пътя им към Египет. Като купила споменатите две птици, Тя ги донесла, според закона, за жертва, а заедно с тях донесла и Своя първороден Младенец. "Донесоха - казва Евангелист Лука - (родителите на Младенеца Иисус) в Иерусалим, за да Го представят пред Господа"; т.е. да върнат Божието Богу, защото в закона Господен е написано, че всеки младенец от мъжки пол, който отваря утроба, трябва да бъде посветен на Господа. Държейки на ръцете Си

Новородения, Светата Дева Мария преклонила колене пред Господа и с дълбоко благоговение, като драгоценен дар, възнасяла и предавала Младенеца на Бога, казвайки:

- Ето Твоя Син, Предвечни Отче, Когото Ти изпрати да се въплъти от мене за спасение на човешкия род! Ти Го роди преди вековете без Майка, а аз, по Твоето благоволение, след като се изпълниха времената, Го родих без мъж; ето първородния плод на моята утроба, заченат в мене от Светия Дух, и неизказано, както Ти Един знаеш, произлязъл от мене: Той, моят Първенец, е първо Твой, съвечен и събезначален на Тебе, Първенец, подобаващ на Тебе Единия, защото Той е слязъл от Тебе, без да отстъпи от Твоето Божество. Приеми Първенеца, с Когото Ти си сътворил вековете, и заедно с Когото си заповядал да изгрее светлината: приеми въплътилото се от мене Твое Слово, с Когото Ти си утвърдил небето, основал си земята, събрал си в едно водите: приеми от мене Твоя Син, Когото Ти принасям за тези велики дела, да устроиш за Него и за мене така, както Ти е угодно, и да изкупиш човешкия род с Неговата плът и кръв, приета от мене.

Като произнесла тези слова, тя отдала Своето драгоценно Чедо в ръцете на архиерея, като Божий заместник, сякаш отдавайки Го на Самия Бог. След това тя го откупила, както изисквал законът, с определената цена - пет свещени сикли, чийто брой сякаш предуказвал петте свещени язви на тялото на Христос, приети от Него на кръста, с които целият свят бил изкупен от клетвата на закона и робството на врага.

Когато Божията Майка донесла Младенеца Иисус, за да се изпълни над Него предписаният от закона обичай, в храма дошъл, ръководен от Светия Дух, старецът Симеон, човек праведен и благочестив, очакващ утехата Израилева, която ще настъпи с идването на Месия. Той знаел, че идването на

очаквания Месия вече приближава, защото скиптърът е преминал от Иуда към Ирод и се е изпълнило пророчеството на праотеца патриарх Иаков, предрекъл, че скиптърът няма да се отнеме от Иуда, докато не дойде очакването на народите, Христос Господ. Също така били свършили и Данииловите седмици, седемдесет на брой, след които, според пророчеството, трябвало да бъде пришествието на Месия. Заедно с това и на свети Симеон от Светия Дух било обещано, че няма да види смърт, докато не види Христа Господен. Праведният Симеон, като погледнал към Пречистата Дева и Младенеца, видял Божиата благодат, обкръжаваща Майката с Младенеца, и като узнал от Светия Дух, че Този е очакваният Месия, побързал, и като Го приел с неизказана радост и благоговееен страх, въздавал на Бога велика благодарност. Той, украсен с бели коси, преди края си изпял пророческата песен:

- Сега отпускаш Твоя раб, Владико, според думата Си, смирно.

- Не съм имал - сякаш казал той - мир в мислите си, през всички дни, очаквайки Тебе, и всички дни пребивавах в печал, докато Ти дойдеш: сега, като Те видях, получих мир, и като се избавих от скръбта, си отивам оттук с радостна вест при моите отци: ще възвестя за Твоето пришествие в света на праотеца Адам и Авраам, Мойсей и Давид, Исаия и другите свети отци и пророци, ще донеса неизказана радост на тях, пребиваващите досега в печал; при тях ме отпусни, и те, оставили скръбта, да се развеселят за Тебе - своя Избавител. Отпусни мене, Твоя раб, след дългогодишни трудове, да се успокоя в лоното Авраамово: очите ми вече видяха Твоето Спасение, приготвено за всички народи, очите ми видяха Светлината, приготвена за прогонването на тъмнината, за просвещение на народите, за откриването им на неведомите Божии Тайни - Светлината, възсияла за прослава на Твоя народ Израиля, Която Ти си обещал чрез пророк Исаия, като си казал: "ще дам на Сион

спасение, на Израиля - Своята слава”.

Свети Иосиф и Пречистата Дева, като слушали всичко, казано от праведния Симеон за Младенеца, се удивлявали; при това те видели, че той говори на Младенеца не като на младенец, но като на “Стар по дни” и молейки се, се обръща към Него не като към човек, а като към Бог, имащ власт над живота и смъртта и можещ още в този час да отпусне стареца към другия живот или да го задържи в настоящия. Свети Симеон се обърнал с благословение и към тях, възпявайки и величаейки пренепорочната Майка, родила в света Бога и човека, и облажавайки мнимия баща свети Иосиф, удостоил се да бъде служител на такова тайнство. След това, като се обърнал към Мария, Неговата Майка, а не към Иосиф - защото той с очите си прозирал в Нея безмъжна Майка, - Симеон произнесъл:

- Този ще послужи за падане и ставане на мнозина в Израиля: за падане на онези, които не пожелаят да вярват в думите Му, и за ставане на тези, които с любов ще приемат Неговата свята проповед - за падане на книжниците и фарисеите, заслепени от злоба, и за ставане на простите рибари и немъдрите хора. Той ще избере немъдрите, мъдрите на този век ще посрами - за падане на ветхозаветното иудейско съборище и за ставане на благодатната Божия Църква. Той ще послужи за предмет на пререкания, защото голям раздор ще настъпи между човеците заради Него: едни ще Го наричат благ, други ще кажат, че лъже хората; и ще Го положат - по думите на пророк Йеремия - “като мишена за стреляне”, ще Го закачат на кръстно дърво, ще Го уязвят със стрели, гвоздеи и копие. В същото време, безмъжна Майко - продължил старецът, - меч на скръб и сърдечна болка ще пониже душата Ти, когато видиш Своя Син прикован към кръста, когато ти с велика болка в сърцето и ридания ще изпращаш от този свят Този, Когото в света си родила без

болка.

Тук, в храма, била и Анна пророчица, Фануилова дъщеря, от Асировото коляно. Тя била вдовица, вече много остаряла - на осемдесет и четири години; - тя преживяла с мъжа си само седем години и след като овдовяла, водела Богоугоден живот, като не се отделяла от храма, но в пост и молитва служела на Бога денем и нощем. Дошла в същия час, света Анна много пророчествала за принесения в храма Господен Младенец, към всички, очакващи избавление в Иерусалим.

Слушайки и виждайки всичко това, книжниците и фарисеите се разпалвали в сърцата си и негодували срещу Симеон и Анна заради свидетелствата им за Отрока. Те не премълчали, но известили на цар Ирод за всичко, което се случило и било казано в храма. Той веднага изпратил войници със заповед да намерят Божествения Младенец Христа Господа и да Го убият; но те вече не Го намерили: по заповед, дадена на Иосиф насън, Той се намирал в Египет. Свети Иосиф и Пречистата Богородица, като изпълнили в храма всичко, което повелявал законът, не се върнали във Витлеем, а отишли в Галилея, в своя град Назарет, и оттук бързо тръгнали за Египет.

Празнуването на Сретение Господне било установено при царуването на Юстиниан; преди това, макар и Сретение Господне да се споменавало в Църквата, не се празнувало тържествено. Благодетелият цар Юстиниан установил да се празнува този празник като Господски и Богородичен заедно с другите велики празници. Подтик за установяването на този празник дали особени обстоятелства. При царуването на Юстиниан във Византия и околностите, в продължение на три месеца, като се започне от последните дни на месец октомври, имало силен мор, така че в началото умирали по пет хиляди души на ден, а след това до десет хиляди; дори телата на богатите и високопоставени хора оставали непогребани,

защото всички слуги и роби измирили и нямало кой да погребее самите господари. А в Антиохия, заради греховете на хората, към чумата се присъединило и друго Божие наказание - страшно земетресение, от което се срутили всички големи къщи, високи сгради и храмове, и под стените им загинали много хора; в числото на загиналите бил и Евфрасий, епископ Антиохийски, затиснат при падането на храма. В това страшно и гибелно време един благочестив човек имал откровение да бъде установено тържественото празнуване на "ипапанди", тоест на Сретение Господне, както и на другите големи Господски и Богородични празници. И ето, при настъпването на деня на Сретение Господне, втория ден на февруари, когато започнали да празнуват с всенощно бдение и излизане с кръстове, смъртоносната язва, морът и земетресението на часа се прекратили, по Божието милосърдие и по молитвите на Пречистата Богородица. На Нея и родилия се от Нея Христос Бог да бъде чест, слава, поклонение и благодарение во веки. Амин.

### Тропарь Сретения Господня

глас 1

Радуйся, Благодатная Богородице Дево, из Тебе бо возсия Солнце Правды, Христос Бог наш, просвещаая суция во тьме. Веселися и ты, старче праведный, приемый во объятия Свободителя душ наших, дарующаго нам воскресение.

### Кондак Сретения Господня

глас 1

Утробу Девичу освятивый Рождеством Твоим и руце Симеоне благословивый, якоже подобаше, предварив, и ныне спасл еси нас, Христе Боже, но умири во бранех жительство и укрепи



люди, ихже возлюбил еси, Едине Человеколюбче.

Величание

Величаем Тя,/ Живодавче Христе,/ и чтим Пречистую Матерь Твою,/ Еюже по закону ныне// принеслся еси в храм Господень.

Задостойник

глас 3

Богородице Дево,/ упование христианом,// покрый, соблюди и спаси на Тя уповающих. В законе сени и писаний/ образ видим, вернии:/ всяк мужеский пол, ложесна разверзая,/ свят Богу. Тем перворожденное Слово/ Отца безначальна,/ Сына первородящая Материю неискусомужно,// величаем.

**ЧЕТИ-МИНУТЫ НА СВ. ДИМИТРИЙ РОСТОВСКИ**

**Канон Сретению Господню**

глас 3

**Песнь 1**

**Ирмос:** *Сущу глубородительную землю солнце нашествова иногда, яко стена бо огусте обаполы вода, людем пешомореходящим, и богоугодно поющим: поим Господеви, славно бо прославися.*

**Припев:** *Слава Тебе, Боже наш, слава Тебе.*

Да каплют воду облацы, солнце бо на облаце легче носимо настало есть, на нетленную руку, Христос в церкви, яко младенец. Темже, вернии, возопиим: поим Господеви, славно

бо прославися (*Дважды*).

**Слава:** Крепитесь руце Симеони старостию ослабленнии, лыста же претружденна старча, правобыстро движитася Христу на сретение, лик со безплотными составльше, поим Господеви, славно бо прославися.

**И ныне:** Разумом простертыя небеса веселитесь, и радуйся, земле: из пребожественных бо недр хитрец прошед Христос, Материю Девую Богу Отцу приносится Младенец, иже прежде всех: славно бо прославися.

## **Песнь 2**

**Ирмос:** *Утверждение на Тя надеющихся, утверди, Господи, церковь, юже стяжал еси честною Твоею кровию.*

**Слава Тебе, Боже наш, слава Тебе.**

Перворожден из Отца прежде век, перворожден Младенец из Девы нетленная, Адаму руку простирая явися (*Дважды*).

**Слава:** Младоумна бывша прелестию первозданного паки исправляяй Бог Слово, младенствовав явися.

**И ныне:** Земли исчадие, паки потекшее в ню, Божества сообразное естество Зиждитель, яко непреложне, младенствовав яви.

## **Седален, глас 4-й**

На горе Синайстей древле виде Моисей задняя Божия, и тонкий Божественный глас сподобися во мраце же и вихре слышати: ныне же Симеон воплощенного Бога, непреложне нас ради на руки прият, и радостно тщашеся ити от сущих zde к животу вечному. Темже вопияше: ныне отпускаеши раба Твоего, Владыко.

## **Песнь 4**

**Ирмос:** *Покрыла есть небеса добродетель Твоя, Христе, из кивота бо прошед, святыни Твоя негнущая Матере, в храме славы Твоя явился еси, яко Младенец руконосим: и исполнишася вся Твоего хваления.*

**Слава Тебе, Боже наш, слава Тебе.**

Радуйся, Симеоне, неизреченных таиниче, Богородица вопияше, о немже от Святаго древле известися тебе Духа, младенствовавшаго вся твоего хваления (*Дважды*).

**Слава:** На негоже уповал еси, Симеоне, возраст детищный радуяся подъями Христа, Израиля божественнаго утешение, закона Творца и Владыку, исполняющаго закона чин, зовый Ему: исполнишася вся Твоего хваления.

**И ныне:** Видя Симеон слово Безначальное, с плотию яко на престоле херувимстем Девою носимо, виновнаго еже быти всяческих, яко младенцу дивяся вопияше Ему: исполнишася вся Твоего хваления.

## **Песнь 5**

**Ирмос:** *Яко виде Исаиа образно на престоле превознесена Бога, от ангел славы доносима, о окаянный, вопияше аз: провидех бо воплощаема Бога, Света невечерня, и миром владычествующа.*

**Слава Тебе, Боже наш, слава Тебе.**

Разумев божественный старец проявленную древле пророку славу, руками Слово зря Матерними держимо: о, радуйся, вопияше, чистая, яко престол бо держиши Бога, Света невечерняго, и миром владычествующа (*Дважды*).

**Слава:** Поклонься старец, и стопам Божественне прикоснувся неискособрачныя и Богоматере: огонь, рече, носиши Чистая, Младенца боюся объяти Бога, Света

невечерняго и миром владычествующа.

**И ныне:** Очищается Исаиа от Серафима уголь прием, старец вопияше Богоматери: Ты якоже клещами руками просвещаеши мя, подавши Егоже носиши, Света не вечерняго и миром владычествующа.

## **Песнь 6**

**Ирмос:** *Возопи к Тебе видев старец очима спасение, еже людем прииде от Бога Христе, Ты Бог мой.*

**Слава Тебе, Боже наш, слава Тебе.**

Сиону Ты камень возложил еси, непокоривым претыкание, и соблазна камень: нерушимое верных спасение (*Дважды*).

**Слава:** Известне нося начертание, иже прежде век Тя израстившаго, земных за милосердие ныне немощию обложися.

**И ныне:** Сыну Вышняго, Сыну Девы, Богу отрочати бывшему, поклоншася Тебе, ныне отпусти с миром.

## **Кондак, глас 1-й**

Утробу Девичу освятивый рождеством Твоим, и руке Симеоне благословивый, якоже подобаше, предварив, и ныне спасл еси нас, Христе Боже: но умири во бранех жительство и укрепил люди, ихже возлюбил еси, Едине Человеколюбче.

## **Икос**

К Богородице притецем, хотящи Сына Ея видети, к Симеону носима, Егоже с небесе безплотнии видяще, дивляхуся глаголюще: чудная зрим ныне и преславная, непостижимая, несказанная. Иже бо Адама создавый, носится яко младенец: Невместимый вмещается на руках старчих: иже в недрах неописанных Сый Отца Своего, волею описуется плотию, а не

Божеством, един Человеколюбец.

## **Песнь 7**

**Ирмос:** *Тебе во огни оросившаго отроки богословившая, и в Деву нетленну всельшагося, Бога Слово поим, благочестно поюще: благословен Бог отец наших.*

**Слава Тебе, Боже наш, слава Тебе.**

Адаму известити хотяй иду, во аде жувущу, и Еве принести благовестие, Симеон вопияше, со пророки ликуя: благословен Бог отец наших *(Дважды)*.

**Слава:** Рода земна избавляй Бог, даже до ада приидет: пленным же подаст всем оставление, и прозрение слепым, яко и немым вопити: благословен Бог отец наших.

**И ныне:** И Твое сердце, Нетленная, оружие пройдет, Симеон Богородице провозгласи, на кресте зрящи Твоего Сына, Емуже вопием: благословен Бог отец наших.

## **Песнь 8**

**Ирмос:** *Нестерпимому огню соединившися, благочестия предстояще юноши, пламенем же невреждени, Божественную песнь пояху: благословите вся дела Господня Господа, и превозносите во вся веки.*

**Слава Тебе, Боже наш, слава Тебе.**

Людие Израилевы, Твою славу Еммануила, зряще Отроча из Девы, пред лицом Божественнаго ковчега ныне ликуйте: благословите вся дела Господня Господа, и превозносите во вся веки *(Дважды)*.

**Слава:** Се Симеон вопияше, пререкаемое знамение Сей будет, Бог сый и отроча. Сему вернии возопиим: благословите вся дела Господня Господа, и превозносите во вся веки.

**И ныне:** Живот сый, Сей будет падение непокоривым, младенствовав Бог Слово, яко восстание всем верою поющим: благословите вся дела Господня Господа, и превозносите во вся веки.

## **Песнь 9**

**Ирмос:** В законе сени и писаний образ видим вернии: всяк мужеский пол, ложесна разверзая, свят Богу. Тем Перворожденное Слово Отца Безначальна, Сына Первородящая Материю неискусомужно, величаем:

**Слава Тебе, Боже наш, слава Тебе.**

Иже древним новорожденных горличищ супруг, двоице же бяше птенцев, в нихже место божественный старец, и целомудренная Анна пророчица, от Девы рожденному, и Сыну Единородному Отчу, в церковь приносиму, служат величающе (Дважды).

**Слава:** Воздал еси мне, вопияше Симеон, спасения Твоего, Христе, радование, восприими Твоего служителя сению претружденнаго, новая благодати священнопроповедника тайнаго, во хвалении величающа.

**И ныне:** Священнолетно исповедашеся Анна прорицающе, целомудренная и преподобная, и старица Владыце, в церкви явственно: Богородицу же проповедающе всем сущим величаше.

## **Светилен**

Духом во святилище представ старец на руки восприят закона Владыку, вопия: ныне союз мя плотских разреши, якоже рекл еси, с миром: видех бо очима откровение языков, и Израилю спасе.

## **Акафист Сретению Господню**

### **Кондак 1**

Избраннаго Царя избранная Мати зрится ныне от Вифлеема в Иерусалим грядуща, Богомладенец же Иисус, яко на облаце легце во объятях Тоя носим бывает. Мы же недостойнии, сретающе Царя Славы и Пресвятую Матерь Деву, с Симеоном старцем вопием Препоблагословенней:

Гряди, Пречистая, Господь с Тобою и Тобою с нами.

### **Икос 1**

Ангел небесных небесные лики приникше на землю, зрят Своего Творца и Владыку перворожденна всея твари во объятях Девических от Матери неискусомужныя, яко Младенца носима и ко храму во Иерусалим грядуща, и радующесе поют Тому и Царице Деве хвалу праздничную:

Гряди, Царю неба и земли, во град великаго Царя, Сион святой.

Гряди, Превышний Боже, от горних высот в рукотворенный храм земный.

Гряди, Единородный Сыне Божий, вселитися с человеки на земли.

Гряди, непорочный Агнче Божий, принестися ко Господу, живущему на небеси.

Гряди, чистая Голубице, Святаго Духа безмужная Невесто.

Гряди, нескверная Агнице, Агнца Христа Нетленная Мати.

Гряди, Богоизбранная Отроковице, Бога Отца превожделенная Дщере.

Гряди, Небесная Царице, всему миру благая Владычице.

Гряди, Пречистая, Господь с Тобою и Тобою с нами.

## **Кондак 2**

Видящи Пресвятая Дева Себе в чистоте по рождестве Христове Сущую и не требующую очищения, зане Христос пройде от Нея, якоже луча солнечная кристал проходит, не повредив девственныя чистоты Пречистыя Матери Своея. Обаче смиренна сущи, не гордяшеса о нетленной чистоте Своея, и егда исполнишася дние очищения Ея законнаго, воставши со святым Иосифом Обручником от Вифлеема, вознесоста Божественна Младенца, да поставят Его пред Господом во Иерусалиме, с радостию поюще Ему: Аллилуия.

## **Икос 2**

Разумев Тя издалеча, Дево, Бога носящую воплощенна на руку Твоею, Исаия предвозвести: «Се Господь сидит на облаце легце». Ты же, о, Богомати, в Иерусалим идуще и Божественнаго Младенца во объятиях носяще, помышляше, како Матерь содеяся и Дева пребысть. Обаче ведуще, яко паче естества рождение сие бысть, со трепетом глаголаше в Себе: Како возименную Тя, Сыне Мой? Аще нареку Тя человека, вем, яко превыше человека еси, девство Мое соблюдыи нетленно, яко Божественно есть зачатие Твое. Аще нареку Тя Бога, вижду Тя во всем подобна человеку, кроме греха. Сего ради проповедуют Тя совершенна Бога и совершенна человека суща. Мы же, сретающе пришествие Тоя, чистую чисто почтим, глаголюще тако:

Гряди, чистая Дево, чистаго Бога чисто родившая.

Гряди, безмужная Мати Еммануилова, брака непознавшая.

Гряди, честнейшая Херувим, Еяже чистоте Гавриил удивися.



Гряди, славнейшая без сравнения Серафим, Ейже все естество Ангельское поклонися.

Гряди, Земле ненасеянная, Яже израсти нам Клас Живота.

Гряди, Купино неопалимая, Юже в рождестве не опали огонь Божества.

Гряди, Вместилище невместимое, на Нюже шестокрилатии и многоочитии взирати не могут.

Гряди, Престоле огнезrachный, Юже земнороднии по достоянию восхвалити недоумеют.

Гряди, Пречистая, Господь с Тобою, и Тобою с нами.

### **Кондак 3**

Силою Божественною управляема, прииде Пресвятая Дева во святыи град Иерусалим, яко светносный день. Солнце Правды Христа всему миру возсиявающи. Сия бо яве явися Престол херувимский, зело высок славою девственною превознесен, Та бо на руку Своею носит Царя Славы, Емуже незримо предстоят шестокрилатии Серафими, со всеми небесными силами вопиюще: Аллилуия.

### **Икос 3**

Имущи богоприятную Дева утробу, востече ко храму, держащи на руку Своею Богомладенца Христа, и приклонив колена Своя пред Господом, с веселием и благоговением глагола: О, превечный Отче, се - Сын Твой, Егоже послал еси воплотитися от Мене спасения ради человеческого. Се - Плод утробы Моея, Духом Твоим Святым во Мне зачатый и неизреченно произшедый, Се - Первенец Мой. Приими воплощенное от Мене Твое Слово, приими Твоего от Мене Сына, Егоже Тебе приношу, да Того плотию и кровию от Мене приятно, искупиши род человек. Мы же сему тайному

молению Твоему, Пречистая, внемлюще, вопием Сыну Твоему и Богу нашему тако:

Гряди, пресладкий Иисусе, яко дождь с небесе на чистую землю кротко и тихо снисшедый.

Гряди, сладчайший Животе, яко капля каплющая на землю в воплощении незримо Себе явивый.

Гряди, всемилостивый Спасе, взыскати и спасти погибшия пришедый.

Гряди, Пастырю предобрый, заблудшии овцы понести на Себе восхотевый.

Гряди, Врачу безнадежных, немощи и болезни наши на Себе носити изволивый.

Гряди, Агнче Божий, грехи всего мира взяти на Себе возжелавый.

Гряди, Господи Славы, на облаце легце носимый, прелести тьму отгнати имевый.

Гряди, Царю мира, на престол Давидов пришедый, Царство не от мира сего являй.

Гряди, Пречистая, Господь с Тобою и Тобою с нами.

#### **Кондак 4**

Бурю внутрь имеяй помышлений сумнительных, великий архиерей Божий Захария смутися, зря Пресвятую Деву со Отрочатем, на месте нечистых жен пред дверьми храма ставшую и законнаго очищения просити пришедшую, ведуще бо Ю во Святая Святых воспитанную, и уразуме духом, яко сия Мать и по рождестве есть Дева Чистая. Сего ради постави Ю на месте девиц, идеже женам имущим мужа стояти не подобаше, и сретающе Ю, со страхом и с радостию воспе

явльшемуся Богу: Аллилуия.

#### **Икос 4**

Слыша Захария дивныя пред Богом глаголы Твоя,  
Пречистая, и видев, яко хочещи возложить возлюбленное  
чадо Свое на руце его, яко архиерею Божию, аки в руце  
Самому Богу влагаючи, и яко вкупе принесла еси Богу в  
жертву нищих, по реченному в законе, два птенца голубиныя,  
умилися сердцем и с верою и со страхом Божиим прият  
Богомладенца, и яко законну Творцу и Богу, изрече Ему тако:

Гряди, Ветхий деньми, древле на Синае Моисеем закон  
даровавый.

Гряди, Отроча младо, ныне закон исполнити хотяй ко храму  
пришедый.

Гряди, Престол имейя небо, земный храм небесною славою  
исполнити восхотевый.

Гряди, воплотивыйся от Девы человеческое естество  
обожити возжелавый.

Гряди, даже до рабья образа низшедый, да нас рабов греха в  
рабы Правды Божией сотвориши.

Гряди, сияние Сый ипостаси Отчия, да нас чадами Божиими  
Отца Небеснаго явиши.

Гряди, Закона Исполнителю, птенцы голубины Богу  
принесый, да мы паче голубиц чистых на небеса возлетим.

Гряди, милости Подателю, милости, а не жертвы восхотевый,  
да и мы с елеем милования Тебе усрящем.

Гряди, Пречистая, Господь с Тобою и Тобою с нами.

#### **Кондак 5**

Богосветлая звезда возсия, егда прииде Духом в Церковь Святый старец Симеон. Той, юношествуя духом, престарев же телом, праведен бе и благочестив, верою живя, чая Утехи Израилевы, обещано бо бе ему Духом Святым не видети смерти, дондеже не видит Христа Господня во плоти пришедша. Той воззрев на Пречистую Деву и на держимое Ею Отроча, виде благодать Божию, и познав Духом, яко Сей есть ожидаемый Мессия, приступи к Нему со тщанием, и воздав Богу благодарение велие, со страхом Божиим и с радостию сердечною воспе Ему: Аллилуия.

### **Икос 5**

Видев старец Симеон на руку Девичу создавшего человеки, и Владыку разумев Его, аще и яко Младенец виден бысть, весь исполнися радости неизреченныя, и себе забыв, глаголет весело: Тебе желаю, Боже отцев и Господи милости, на Тя взираю, объемлющего вся Словом Своим, Тебе сретаю, владычествующаго жизнию и смертию, Тебе чаю, соединившаго небо и землю. Тебе алкаю, мертвья воскрешающаго. Тебе жажду, страждущия утешающаго и Тебе вопию сице:

Гряди, всеми пророки чаемый, посетити нас Твоим спасением.

Гряди, всеми языки желаемый, просветити нас Твоим откровением.

Гряди, от юга пришедый Искупителю наш, да избавиши Адама и Еву от греха и клятвы древния.

Гряди, на земли явивыйся, Спасителю наш, да с человеки поживеши и изведеши я из тьмы и сени смертныя.

Гряди, Просветителю наш, благовестити лето Господне приятно.

Гряди, Свободителю наш, отпустили сокрушенныя сердцем во отраду.

Гряди, Пастырю и Учителю, проповедати плененным отпущение и слепым прозрение.

Гряди, Творче и Владыко, возвестити нищим спасение и всем человеком прощение.

Гряди, Пречистая, Господь с Тобою и Тобою с нами.

### **Кондак 6**

Проповедник дивный пришествия Христова явися Богоносец Симеон, егда паче исполняся Духа, первый от человек позна Творца своего, во плоти пришедша, и первый исповеда Того Божество, вопиюще Ему, яко от лица всех живущих на земли: Тебе поклоняемся, яко Ты еси Бог наш; Тебе молимся, яко Ты еси храм наш; Тебе служим, яко Ты еси закона Творец. Ты еси Бог Первый и несть инаго Бога паче Тебе, и инаго Сына Единосущна Отцу. Тобою живем и движемся и есмы. Ты красен еси паче всех сынов человеческих, яко Бог и человек. Сего ради веселися ныне небо, яко помилова Бог люди Своя и ликуйте основания земли и сущия во аде, яко явися ныне мертвым воскресение, увидех бо ныне Спасителя мира, вопиюще Ему: Аллилуия.

### **Икос 6**

Возсия всему миру просвещение Истины, егда Пресвятая Дева подаде старцу Симеону пречистыма рукама Своима Божественнаго Младенца, яко Угль Животворящ таинственно от жертвенника Божия, глаголюще: Приими, честный старче, Господа Твоего, приими Сокровище неисчерпаемое и Силу непостижимую. Обыми Нетление и обновися и просветися от Солнца Правды. Не опалает бо огонь благодати Господа Моего, но паче просвещает, Той бо очистит грехи твоя и вся

беззакония твоя очистит, да будеши начаток очищения всего мира, и тако совлечеши вся ветхая и во вся новая да облечешися. Сему милостивому вещанию Пречистей внемлюще, возопием Ей таковая:

Гряди, небесною чистотою сияющая Девице, Свет Невечерний нам просиявшая.

Гряди, пречудная мира горняго Царице, во горния обители нас возводящая.

Гряди, Купино таинственная, Еюже огонь Божества от горних высот всему миру возжеся.

Гряди, светоносный Облаче, Еюже Богомладенец Христос во спасение всем принесеся.

Гряди, огненный Престоле невидимаго Царя.

Гряди, небесный Кивоте, вместившая Христа.

Гряди, Пресвятаго Духа Святейшая Палато.

Гряди, Безсмертнаго Царя нескверная Невесто.

Гряди, Пречистая, Господь с тобою и Тобою с нами.

### **Кондак 7**

Хотяй святыи старец Симеон новое очищение получитьи, якоже древле Исаия, поклонися Пречистей Богоматери, прикоснуся Божественным стопам Ея, глаголюще: Огнь носиши, Чистая, боюся объяти Младенца, миром владычествующа. Ты бо, яко крылами ангельскими, рукама просвещаеши мя, подавши, Егоже Херувими крылами носити трепещут. Сего Симеон, простер руке, прият в честныя объятия своя, и с радостию возопи: Аллилуия.

### **Икос 7**

Новое и преславное чудо совершися днесь: Симеон старец приемлет тленными руками Творца, создавшего человека, да Бог с человеки поживет и человека небеса сотворит. Прием же желаемого, и видев обещаний сбытие, той, якоже зрелая пшеница, просяше о разрешении телеснем, и якоже лебедь белый, седилами украшенный, на закате жития своего весело возопи: видеста очи мои спасение Твое, еже от века таинство сокровенное. Темже ныне отпусти мя, Владыко, раба Твоего по глаголу Твоему с миром от союза сея плоти к чудному и нестареемому животу да отходя от здешних, радостную весть принесу отцем моим о Твоем в мир пришествии. Сего ради вопием Ти:

Гряди, Иисусе, жизни Подателю, жизнь и воскресение всем верным Твоим даровати.

Гряди, Владыко, смерти Низложителю, от вечных смерти люди Твоя свободи.

Гряди, бессмертный Царю, от тьмы и сени смертных вечные узники разрешити.

Гряди, сладчайший Животе, врата райския к чудному животу паки Адаму отверсти.

Гряди, желаемый Женише, яко желает и скончается душа моя во дворы Господни.

Гряди, превозделенный Свете, яко обрете сердце мое в юдоли плача храмину о Бозе Живе.

Гряди, предвечный Боже, яко близ боящихся Тебе спасение Твое.

Гряди, всещедрый Спасе, яко мир много любящим Тя принесе Слово Твое.

Гряди, Пречистая, Господь с Тобою и Тобою с нами.

## **Кондак 8**

Странные глаголы дивнаго старца о Отрочате слышавше, Иосиф и Пречистая Дева чудяхуся о глаголемых о Нем: видеста бо Симеона к Младенцу вещающа, но не яко к Младенцу, но яко к Ветхому деньми и к Богу молящагося, Живота и смерти власть имущему и могущему абие к иной жизни отпустить того, и слагающе вся глаголы сия в сердце своем, благодарственно возопиша Богу: Аллилуия.

## **Икос 8**

Весь быв в Бозе, святой старец Симеон, исполнися духа пророческаго и многая изрече о Божественном Младенце, яко даже до ада приидет и плененным подаст всем оставление и слепым прозрение и яко и немым глаголати. И обращаешя к Марии, Матери Его, провозгласи Ей: Се лежит Сей на падение непокоривым и на востание верным многим во Израиле, и в знамение пререкаемое. И Тебе Самой, о, бессмертная Мати, душу пройдет оружие печали, егда узриши Сына Твоего на Кресте пригвожденна, да откроются помышления многих сердец во спасение от грех их. Сему предречению внемлюще, вопием Пречистей тако:

Гряди, Мати и Дево, в девственном рождестве Твоем болезней матерних избегшая.

Гряди, Агнца и Пастыря Мати, у Креста Сына Твоего болезни сердечныя понести имущая.

Гряди, Радосте наша, приобщитися страстем Христовым, да в явлении Славы Его с Ним возрадуешися.

Гряди, в печалех Утешение, искутитися, яко злато в горниле, да и Сама искушаемым помощи возможеши.

Гряди, обрадованная, печаль родившую женам Еву



возвеселити имущая.

Гряди, препрославленная, весь мир скорбями Своими от скорбей свободити хотящая.

Гряди, честнейшая всея твари Дево, всю видимую тварь рождеством Своим обновившая.

Гряди, Святейшая Святых всем Мати, Ангелы и человеки во сретении Твоем объединившая.

Гряди, Пречистая, Господь с Тобою и Тобою с нами.

### **Кондак 9**

Всякое естество Ангельское удивися великому Бога нашего к человеком нисшествию, глаголюще: чудная зрим ныне и преславная, непостижимая и несказанная: Адама бо создавый в объятиях старчих вмещается. Полны концы мира благодати Его, полна вся тварь хваления Его, полно все человечество снисхождения Его. Небесная, земная и преисподняя полны суть благоутробия Его, полны милости Его, полны щедрот, полны даров, полны благодеяния Его. Исполнь небо и земля славы Его! Сего ради вси языцы воспещите руками, поюще Ему: Аллилуия.

### **Икос 9**

Вития Божественный Боговидец Симеон, аще и много изрече, хваляще и благодаряще Пренепорочную Матерь Божию, рождшую миру Бога и человека, Спаса душ наших, обаче не возможе благохвалити по достоянию, Юже и премирные умы недоумевают воспевати, обаче любовию побеждаемый, величаше Ю, глаголюще: святейшее и дивное Жилище Божие, Ты - еси начало, середина и конец нашего праздника. Ты возсияла еси Свет Солнца, Ты отверзла еси источник человеколюбия Сына Твоего, память Твоя превыше

всякаго слова и величие Твое превосходит немощь нашу. Молю Тя: непрестанно памятуй нас хвалящих Тя и в восторзе духовном вопиющих Тебе сице:

Гряди, вечно нескончаемая Радосте наша, радость Христа всему миру явившая.

Гряди, присно ублажаемая Сладосте наша, Огнь Божества рукама неопально держащая.

Гряди, Заре присносиятельная, от ветхаго мира новою благодатию храм просветившая.

Гряди, Свеще неугасающая, во сретение Твое души верных Светом Христовым осиявшая. Гряди Огнь Небесный рукама носившая, да Тобою святыня и красота во святилище возгорится.

Гряди, Свет невечерний нетленно, яко Приснодева, родившая, да Тобою спасение всем концем земли возвестится.

Гряди, одушевленный Кивоте Божий, яко Тобою новая благодать спасительная всему миру явился.

Гряди, Скиния Божия с человеки, яко Тобою Бог богов в Сионе над всеми людьми воцарися.

Гряди, Пречистая, Господь с Тобою и Тобою с нами.

### **Кондак 10**

Спасения проповедница явился Богодухновенная Анна, пророчеством сияющая и в законе непорочная: не отхождаше бо от храма Господня день и ночь в молитвах и посте служащи. Та исшедши с праведным Симеоном во сретение Богомладенцу Христу, провещаше страшная, исповедующе Его Творца небу и земли. И объемши Того, приложи уста своя ко устам Его, и вселися Дух во устах ея и возопи: Ты еси Бог и

Сын человекъ, Сын Царствия и уничижения. Ты слышиши и безмолвствуеши, видиши и невидим еси, всеведущ и сокровен. И та многая пророчески изрече о принесенном Младенце всем чающим избавления во Иерусалиме, Богородицу же проповедающе величаше. О, дщи Фануилева, прииди и стани с нами, вопиюще Богу: Аллилуия.

## **Икос 10**

Царю Превечный и Слове Божий! Ты плотию ныне всему миру явился еси во храме, от Девы Матери, яко Младенец руконосим, да с человеки поживеши и всем сущим от Адама, да возвестиши спасение. Древняя ныне вся мимоидоша и се быша вся нова. Правда Твоя с небесе приниче, и милость Твою послал еси нам, и благодать Твоя воцарися на земли, яко пришел еси взыскати и спасти погибшия. Сего ради никогоже отвергаеши, никогоже отвращаеши, якоже древле Озы, иже прикоснуся к Кивоту Завета Твоего и поражен бысть смертию. Ныне же блудница припадает к Тебе и уцеломудрися, кровоточивая прикасается к Тебе и очистися, мытари и грешницы возлежат с Тобою и в друга Твоя приемлются, яко вся труждающияся и обремененныя призвал еси к Себе. Сего ради с радостию сретаем пришествие Твое, вопиюще тако:

Гряди, о, Христе, всех Царю, и востани на сретение наше.

Гряди, Иисусе, душ наших Врачу, и изыди на помощь и спасение наше.

Гряди, Пастырю наш добрый, на взыскание пришедый заблудшаго овчати, взыщи и нас заблуждших.

Гряди, Утешителю благий, погибшую драхму взыскавый и обретый, обрящи души людей погибших.

Гряди, всещедре и человеколюбче, и приими нас во отеческия объятия Своя.

Гряди, всемилостиве и благоутробне, всели нас в райския обители Твоя.

Гряди, Утешителю скорбящих, защити и управи нас в море житейския суеты плывущих.

Гряди, Спасителю заблуждших, спаси и воздвигни нас в бездне греха утопающих.

Гряди, Пречистая, Господь с Тобою и Тобою с нами.

### **Кондак 11**

Пение всеумиленное приношаху о явлении Твоем, Христе, Богоносец Симеон и праведная Анна, духом пламенеюще, усты же радостно проповедающе Твое в мир пришествие всем чающим избавления. Книжницы же и фарисеи, слышаще таковая о Отрочате свидетельства, негодоваху, наипаче же осуждаху, аки явнаго законнопреступника Захарию, яко Мать на месте девическом постави, чесо ради вскоре убиша его между жертвенником и алтарем. Богомладенец же Христос отнесен бысть от злобы Иродовой в Египет, да будет тамо в знамение вечное и да ведом будет Господь египтяном и да сотворят тамо жертву и дар, поюще Ему: Аллилуия.

### **Икос 11**

Свет во откровение языков, был еси, Солнце Правды, Христе, на облаце, легце носим, якоже Симеон днесь пророчески провозгласи, да явиши начало новыя благодати, начен от Египта и даже до последних земли, яко Ты еси Источник живота и Свет человеков, да свет во тьме светится, и тьма Его не объят. Сею зарею Божества Твоею просвети и нашу душевную тьму, да вси возжегши в сердце добродетелей свечи, с Симеоном и с Анною, яко свещеносцы новии с любовию усрящем Тя, вопиюще Тебе и Пречистой Матери Твоей сице:

Гряди, Иисусе, Свете мира, да во светлости святых Твоих нас просветиши.

Гряди, Христе Спасе, во свете живый непреступнем, да во свете лица Твоего нас обожиши.

Гряди, Солнце Правды, яко да возсияет во днех Твоих правда и мир на земли.

Гряди, Свете святой, яко да приидет в сердца наша огонь любви и веры с небесе.

Гряди, Небесный Царю, яко да благословенно и пресветло будет пришествие Твое.

Гряди, Творче и Владыко, яко да с горящими светильники чистоты изыдем во сретение Твое.

Гряди, тихий и невечерний Свете, да в тиxости и безмолвии проживем вся дни живота своего.

Гряди, Единородный Сыне Божий и Слове, да с трепетом и в радости совершим спасение Твое.

Гряди, Пречистая, Господь с Тобою и Тобою с нами.

## **Кондак 12**

Благодать новая исполнь днесь ветхий храм законный, егда пришел еси в онь, Христе, яко Младенец руконосим, да исполнится Аггея пророка Твоего предречение: Приидет желаемый всеми языки и исполню храм Сей славою, зане велия будет слава храма сего последняго, паче перваго и на месте сем дам мир. Сего ради да украсится неизреченною Божества Твоего зарею и наша Церковь новая готовящаяся Тя светло, яко Жениха, прияти, и наша душевныя руки просвети, да якоже Симеон прострем я в чистоте на сретение Твое, с веселием вопиюще Тебе: Аллилуия.

## Икос 12

Поюще, о, Богомати, во храм Господень с Божественным Младенцем на сретение всему миру пришествие Твое, восхваляем неизреченную паче Ангел девственную Чистоту Твою, поклоняемся возсиявшему от Тебе Солнцу Правды Христу, с Симеоном усрящем Его и примем во объятия Своя. С Анною исповедуем Божество Его, с Иосифом принесем Ему в дар, яко два птенца голубина, нашу душу и тело, и яко с мудрыми девами светильники душ наших светло украсим и горящая свечи истинному Свету Христу явльшемуся во откровение мира принесем, и исплетше днесь песни, якоже цветы, принесем Тебе, яко венец благодарения сицевыя похвалы:

Гряди, благодатная Богородице Дево, да под кровом девства Своего нас в девстве и чистоте сохраниши.

Гряди, светоносная Владычня Палато, да благодатию Своею нас дом Духа Святаго сотвориши.

Гряди, паче утра светлейшая Дево, да и нас сыны дне до конца жития соблюдеши.

Гряди, Солнце носящая Мати Света, да и нас светом благодати Твоея просветиши.

Гряди, великаго таинства Святая Служительница, да и нас Сыну Твоему и Богу свято служить научиши.

Гряди, всему миру благая Помощнице, да и нас от мира, плоти и диавола невредимо защитиши.

Гряди, о, Девине Марие, да просветиши наши души помраченныя страстьми.

Гряди, о, Дивная Отроковице, да сохраниши люди Твоя ослепленныя грехми.

Гряди, Пречистая, Господь с Тобою и Тобою с нами.

### **Кондак 13**

О, Всепетая Мати и Дево, принесшая во Святилище всех святых Святейшее Слово во сретение наше и спасение миру; праздничное приемши сие приношение наше, покрый и соблюди нас от всякия нужды и печали и избави нас от всякия греховныя вражия сети. Ты же, яко Дверь Божества нетленно бывшая, отверзи всем спастися желающим врата небесная, да избавльшеся Тобою от вечныя муки, воспоем во сретении Господне на воздухе: Аллилуия.

*(Этот кондак читается трижды, затем икос 1 и кондак 1)*

### **Молитва ко Господу нашему Иисусу Христу**

Господи Иисусе Христе, Единородный Сыне и Слове Божий, древле во пророцех виденный, якоже зеркалом в гаданий, в последок же дний сих плотию от Пресвятыя Девы Марии нетленно рожденный и в четыредесятный день сей во Святилище во сретение всему миру от Тоя, яко Младенец руконосим, явленный и во объятях праведнаго Симеона во спасение всем сущим от Адама носимый! Коль преславно и пресветло Твое на руку Богоматери во храм Господень принесение и от святаго старца Божественное сретение Твое! Днесь небеса веселятся и радуется земля, яко видена быша шествия Твоя, Боже, шествия Бога нашего Царя, Иже во Святем. Древле Моисей восходит видети славу Твою, но не возможе увидити лица Твоего, зане явил еси ему точию задняя Своя. В пресветлый же день сей сретения Твоего Ты явил еси Себе человеком во святилище, сияя неизреченным Светом Божества, да вкупе с Симеоном видят Тя лицом к лицу и руками да осяжут Тя, и восприемши во объятия своя, да познают Ти Бога во плоти пришедша. Сего ради прославляем неизреченное снисхождение и велие человеколюбие Твое, яко

пришествием Твоим даровал еси ныне небесную радость падшему древле роду человеку: Ты бо праведным судом Своим изгнал еси прародители наши из рая сладости в мир сей, ныне же помиловал еси нас и паки отверзл нам райския обители и обратил еси плач наш на радость, да падший Адам к тому уже да не стыдится Тебе за преслушание и да не будет скриватися лица Твоего, Тобою призываемый, яко Ты пришел еси ныне, да возьмеш на Себе грех его, да омыеши его Своею кровию и да облечеши его нага суца в ризу спасения и одежду веселия и украсиши его, яко невесту красотю. Нам же всем Божественное Твое сретение воспоминающим, сподоби с мудрыми девами изыти на сретение Твое, Небесному Жениху нашему, с горящими светильниками веры, любви и чистоты, да улицезрим очами веры Божественное лице Твое, да восприимем Тя в душевныя объятия своя, и да понесем Тя в сердце своем во вся дни Живота своего, да будеши нам в Бога и мы в людие Твои. В последний же и Страшный день пришествия Твоего, егда вси святии изыдут на последнее и великое сретение Твое на воздухе, сподоби и нам усрети Тя, да тако всегда с Господом будем. Слава милосердию Твоему, Слава Царствию Твоему, Слава смотрению Твоему, Едине Человеколюбче, яко Твое есть Царство, и Сила, и Слава со Безначальным Твоим Отцем и Пресвятым и Благим и Животворящим Твоим Духом ныне и присно, и во веки веков. Аминь

**† ВИЖТЕ ОЩЕ**

**Отстъплението от вярата наречено "нов стил"**

**ЗА СЪКРАЩАВАНЕТО НА ЛИТУРГИИТЕ, ТАЙНСТВАТА И ТРЕБИТЕ В НОВОСТИЛНАТА ЦЪРКВА**

**ЗА ПРЕМАХВАНЕТО НА ОГЛАШЕНИЕТО**



ЗАЩО БОГ НИ ИЗОСТАВИ

ЗА КОРЕНА НА ЗЛОТО, ЗА НАЧАЛОТО НА  
ОТСТЪПЛЕНИЕТО НА РОДНАТА НИ „ЦЪРКВА“, ЗА  
БЪЛГАРСКАТА СХИЗМА

Театърът на антихриста

ИСТИНАТА ЗА НАШИЯ НАРОД

Християнството на българите и техните владетели

ИДЕЯТА "ПРАВОСЛАВНИ БУДИТЕЛИ"

Православна ли е демокрацията

Народе, народе...

Защо се премахва вероучението

За старостилния икуменизъм

КОЙ СТОИ ЗАД ОТСТЪПЛЕНИЕТО

ДИСЕКЦИЯ НА ЧОВЕКООМРАЗАТА

ПАСТИРСКО ОКРЪЖНО ПОСЛАНИЕ ПРОТИВ  
МАСОНСТВОТО

Против юдомасонството

Изповедание на вярата

КЪДЕ СЕ Е СЪХРАНИЛО ПРАВОСЛАВИЕТО